

Broj: 03-02-849/2017  
Sarajevo, 25.8.2017. godine

**PARLAMENT FEDERACIJE  
BOSNE I HERCEGOVINE**

- Predstavnički / Zastupnički dom -  
gosp. Edin Mušić, predsjedavajući

- Dom naroda-  
gđa Lidija Braddara, predsjedavajuća

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI - ZASTUPNIČKI DOM  
SARAJEVO

PRIMLJEN:	28-08-2017
Org. jed.	014
Broj	02
Priloga	1419
Vrijedno	17

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Primljeno:	28-08-2017
Org. jed.	02
Broj	02
Priloga	1419
Vrijedno	17

**PREDMET: Mišljenje Vlade Federacije Bosne i Hercegovine**

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 165 i 172. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07 i 2/08) i čl. 157. i 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o dopuni Zakona o Poreznoj upravi Federacije Bosne i Hercegovine, koji su radi razmatranja i usvajanja po skraćenom postupku, podnijeli Aner Žuljević, delegat u Domu naroda i Elvir Karajbić, poslanik u Predstavničkom domu Parlamenta Federacije BiH, a koje je Vlada Federacije Bosne i Hercegovine utvrdila na 116. sjednici, održanoj 24.8.2017. godine.**

S poštovanjem,

**PREMIJER**  
*Fadil Novalić*  
**Fadil Novalić**

Prilog: kao u tekstu

**Cc: Federalno ministarstvo finansija-  
Federalno ministarstvo financija  
gđa Jelka Milićević, ministar**

BOSNIA AND HERZEGOVINA  
FEDERATION OF BOSNIA AND HERZEGOVINA  
**GOVERNMENT**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa odredbama čl. 165 i 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i čl. 157. i 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja Prijedloga Zakona o dopuni Zakona o Poreznoj upravi Federacije Bosne i Hercegovine, koji su radi razmatranja i usvajanja po skraćenom postupku, podnijeli Aner Žuljević, delegat u Domu naroda i Elvir Karajbić, poslanik u Predstavničkom domu Parlamenta Federacije BiH, Vlada Federacije Bosne i Hercegovine je, na 116. sjednici, održanoj 24.8.2017. godine, utvrdila sljedeće:

**MIŠLJENJE**

Prema obrazloženju koje je dostavljeno uz Prijedlog Zakona o dopuni Zakona o Poreznoj upravi Federacije Bosne i Hercegovine **intencija je da Porezna uprava Federacije bude kontrolni organ koji će pratiti i objavljivati podatke o (ne) isplaćenim plaćama na teritoriji Federacije Bosne i Hercegovine.**

Međutim, Zakonom o Poreznoj upravi Federacije Bosne i Hercegovine („Službene novine Federacije BiH“, br. 33/02, 28/04, 57/09, 40/10, 27/12, 7/13, 71/14 i 91/15) uređene su nadležnosti Porezne uprave Federacije Bosne i Hercegovine **kao organa koji vrši naplatu javnih prihoda**, te prati i primjenjuje propise koji uređuju obračun, naplatu i prijavu istih, a isplaćene **plaće nisu javnih prihodi.**

S druge strane, Porezna uprava Federacije prema odredbama Zakona o porezu na dohodak („Službene novine Federacije BiH“, br. 10/08, 9/10, 44/11, 7/13 i 65/13) i Zakona o doprinosima („Službene novine Federacije BiH“, br. 35/98, 54/00, 16/01, 37/01, 17/06, 14/08, 91/15 i 104/16) prikuplja podatke o приходима (dohotku) koji je oporeziv i na koje je ili plaćen ili treba biti plaćen javni prihod. Stoga, Porezna uprava Federacije Bosne i Hercegovine ne posjeduje sveobuhvatne podatke o (ne) isplaćenim plaćama. Isto tako, postoji široka lepeza neoporezivih prihoda koje poslodavac isplaćuje, a Porezna uprava Federacije Bosne i Hercegovine ne posjeduje te podatke jer nisu u okviru njene primarne nadležnosti.

Kao treće, Prijedlog Zakona o dopuni Zakona o Poreznoj upravi Federacije Bosne i Hercegovine je predloženom izmjenom jednog člana izuzeo iz djela porezne tajne podatke o plaćama, ne vodeći računa o drugim odredbama Zakona o Poreznoj upravi Federacije Bosne i Hercegovine, što stvara neusaglašenost kompletnog Zakona, jer odredbe nisu uvezane i normotehnički usaglašene sa cjelokupnim tekstom Zakona.

U vezi svega navedenog mišljenja smo da se Prijedlog Zakona o dopuni Zakona o Poreznoj upravi Federacije Bosne i Hercegovine ne može prihvatiti.

V. broj: 1126/2017  
24.8.2017. godine  
Sarajevo

